



| | | | |
|--|-------------------------------|-------------------------------|-------------------------------|
| Planuar / Doretuar Punëpunë/Prudato Received/Delivered | 22.07.2022 | 2 | viti got year |
| Organ /Njësia Organ /Jedinica Org./Unit | Nr Prot Pr Prot Prot No | Shtojca Protog Appendix | Sasia Kolicina Quantity |
| SKDMASHK | 4265/2022 | | 1/3 |



Republika e Kosovës
Republika Kosova - Republic of Kosovo

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
NEZAVISNI NADZORNI ODBOR CIVILNE SLUŽBE KOSOVA
INDEPENDENT OVERSIGHT BOARD FOR THE CIVIL SERVICE OF KOSOVO

A.nr.521/2022

Këshilli i Pavarur Mbikëqyrës për Shërbimin Civil të Kosovës-Kolegji për Shqyrtimin dhe Vendosjen e Ankesave i përbërë nga: Malsore Gashi Bajraktari-kryetare, Jeton Koca dhe Eshref Shabani-anëtarë, me Zyle Millaku Gojnovci-Zyrtare e Lartë për Bashkëpunim Profesional në cilësinë e procesmbajtëses, ka shqyrtuar ankesën me numër A.nr.521/2022 të datës 13.06.2022, të parashtruar nga ankuesi [] përmes përfaqësuesit të autorizuar avokates [] me adresë [] Prishtinë kundër organit të punësimit Universiteti i Prishtinës "Hasan Prishtina", në çështjen juridike "kompensim material", duke vepruar në pajtim me nenin 6 paragrafin 1 nën paragrafin 1.1 nenin 16 paragrafi 3 dhe nenin 18 paragrafin 1 nën paragrafin 1.8 të Ligjit Nr. 06/L-048 për Këshillin e Pavarur Mbikëqyrës për Shërbimin Civil të Kosovës, në seancën për këshillim dhe votim të mbajtur me datë 21.07.2022, mori këtë:

V E N D I M

Këshilli i Pavarur Mbikëqyrës për Shërbimin Civil i Kosovës, *Shpallet jo kompetent* për të vendosur për ankesën me numër A.nr.521/2022 të datës 13.06.2022 të parashtruar nga ankuesi []

A r s y e t i m

Ankuesi [] i punësuar në Universitetin e Prishtinës "Hasan Prishtina", sipas akt emërimit me numër 2/398 të datës 03.09.20212 në pozitën "Zyrtar i Shërbimeve të Studentëve" në Fakultetin e Bujqësisë, me datë 06.05.2022 përmes përfaqësueses së autorizuar ka parashtruar kërkesë tek Këshilli Drejtues i Universitetit të Prishtinës "Hasan Prishtina" për kompensimin e përqindjes së inflacionit në bazë të Kontratës Kolektive të Arsimit të datës 18.04.2017 e lidhur mes MASHT dhe SBASHK.

Këshilli Drejtues i Universitetit të Prishtinës "Hasan Prishtina" i ka kthyer me date 23.05.2022 i ka kthyer përgjigje ankuesit lidhur me kërkesën e datës 06.05.2022 për kompensimin e përqindjes së inflacionit në bazë të Kontratës Kolektive të Arsimit të datës 18.04.2017 e lidhur mes MASHT dhe SBASHK.

Ankuesi i pakënaqur me përgjigjen e Këshillit Drejtues të Universitetit të Prishtinës "Hasan Prishtina" me date 13.06.2022 ka parashtruar ne ankesë në Këshillin e Pavarur Mbikëqyrës për



Shërbimin Civil i Kosovës kundër organit të punësimit Universiteti i Prishtinës "Hasan Prishtina", për mos kompensimin e shkallës së inflacionit në mënyrë retroaktive që nga data 18.04.2017 deri në shqyrtim të ankesës.

Kolegji për Shqyrtimin dhe Vendosjen e Ankesave për vendosje meritore ka administruar këto prova: Ankesën me numër të protokollit 3398/2022 të datës 13.06.2022 të parashtruar nga ankuesi në Këshillin e Pavarur Mbikëqyrës për Shërbim Civil të Kosovës; Autorizimin e datës 19.04.2022; Kërkesën e datës 06.05.2022 për kompensimin e përqindjes së Inflacionit; Njoftimin me numër Ref. 1/133 të datës 23.05.2022; Akt Emërimit Nr.2/398 të datës 03.09.2012.

Kolegji për Shqyrtimin dhe Vendosjen e Ankesave pasi ka shqyrtuar provat e lëndës, ka konstatuar se Këshilli i Pavarur Mbikëqyrës për Shërbimin Civil i Kosovës, **nuk është kompetent** për të vendosur për ankesën me numër A.nr.521/2022 të datës 13.06.2022 të parashtruar nga ankuesi

SEPSE:

Nga shqyrtimi i dëshmiave të ofruara, Kolegji ka konstatuar se ankuesi është i punësuar në Universitetin e Prishtinës "Hasan Prishtina" sipas akt emërimit me numër 2/398 të datës 03.09.2012 në pozitën "Zyrtar i Shërbimeve të Studentëve" në Fakultetin e Bujqësisë dhe Veterinarisë.

Ankuesi me datë 06.05.2022 përmes përfaqësueses së autorizuar avokates [redacted] ka parashtruar kërkesë pranë Këshillit Drejtues të Universitetit të Prishtinës "Hasan Prishtina", lidhur me kompensimin në pagën bruto mujore të shkallës së Inflacionit të pasur në vend, që nga data 18.04.2017 deri me ditën e parashtrimit të kërkesës. Këshilli Drejtues i Universitetit të Prishtinës "Hasan Prishtina", me datë 23.05.2022 i ka kthyer përgjigje ankuesit përmes njoftimit me Nr. Ref. 1/133 me të cilën e njofton se Këshilli Drejtues është në proces të trajtimit të gjitha kërkesave lidhur me të drejtat që dalin nga Kontrata Kolektive, duke marrë parasysh mundësitë buxhetore.

Kolegji për Shqyrtimin dhe Vendosjen e Ankesave në kuptim të pranushmërisë së ankesës ju referua dispozitivave të Ligjit Nr.06/L-114 për Zyrtarët Publikë përkatësisht nenit 2 ku përcaktohet se 3. *Nëpunës Civil- është zyrtari publik në kuadër të Shërbimit Civil, i cili ushtron detyrën në një pozitë, duke filluar nga zyrtari profesional deri në pozitën e sekretarit të përgjithshëm në administratën e Presidentit, në administratën e Kuvendit, në Zyrën e Kryeministrit, në ministri, në agjenci ekzekutive, në agjenci dhe në një degë lokale të tyre, në administratën e institucioneve të sistemit të drejtësisë, në institucion të pavarur, në agjenci të pavarur, në administratën komunale dhe çdo nëpunës i përcaktuar drejtpërdrejt me ligj të veçantë.* 4. *Nëpunës i Shërbimit Publik - është personeli i nivelit të lartë drejtues, drejtues, profesional dhe i shërbimeve të brendshme në administratën e shërbimeve publike, pjesë e administratës shtetërore apo në administratën e shërbimeve publike, pjesë e një komune të cilët ofrojnë shërbime publike të drejtpërdrejta për qytetarët në fushën e arsimit, shëndetësisë, kulturës, artit si dhe shërbime tjera të ngjashme publike", dhe si rrjedhojë ka konstatuar se zyrtarët publikë të nivelit të lartë drejtues, drejtues, profesional dhe shërbimeve të brendshme në kuadër të institucioneve publike të arsimit të lartë në Kosovës, kanë statusin e nëpunësit të shërbimeve publike, respektivisht të njëjtit nuk janë nëpunës civil, andaj duke u bazuar në nenin 6 paragrafi 1 nën paragrafi 1.1 të Ligjit Nr.06/L-048 për Këshillin e Pavarur Mbikëqyrës për Shërbim Civil të Kosovës, ku përcaktohet se Këshilli është kompetent për të shqyrtuar vetëm ankesat e nëpunësve civil dhe kandidatëve për pranim në Shërbim Civil, Kolegji*

konstaton se Këshilli i Pavarur Mbikëqyrës për Shërbim Civil të Kosovës nuk është kompetent për të vendosur lidhur me ankesën A.nr.521/2022 të datës 13.06.2022 të parashtruar nga ankuesi si në dispozitiv të vendimit.

Kolegji për Shqyrtimin dhe Vendosjen e Ankesave bazuar në dispozitat e nenit 24 dhe 74 të Ligjit Nr.06/L-114 për Zyrtarët Publikë, konstaton se zyrtarët publikë me status të nëpunësit të shërbimit publik kanë të drejtë të ankohen të punëdhënësi dhe më pas mund të fillojnë kontest administrativ në gjykatën kompetente.

Andaj, pas analizimit dhe vlerësimit të të gjitha shkresave të lëndës si dhe duke u bazuar në nenin 18 paragrafi 1 nën paragrafi 1.8 të Ligjit Nr.06/L048 për Këshillin e Pavarur Mbikëqyrës për Shërbim Civil të Kosovës, Kolegji vendosi si në dispozitiv të këtij vendimi.

Vendimi hyn në fuqi në ditën e nënshkrimit nga Kryetarja e Kolegjit.

Këshillë juridike: Kundër vendimit të Këshillit, pala e pakënaqur e cila pretendon se vendimi i Këshillit nuk është i ligjshëm mund të iniciojë konflikt administrativ në gjykatën kompetente, Gjykatën Themelore në Prishtinë/Departamenti për Çështje Administrative brenda afatit prej tridhjetë (30) ditësh nga dita në të cilën i është dorëzuar vendimi. Inicimi i konfliktit administrativ nuk ndalon ekzekutimin e këtij vendimi.

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
Lënda me numër A.nr.521/2022

Zyle Millaku GOJNOVCI

Procesmbajtëse

MALSORE GASHI BAJRAKTARI

Kryetare e Kolegjit

Vendimi i dorëzohet:

- Përfaqësuesit të autorizuar të ankuesit
- Sekretarit të Përgjithshëm në Universitetin e Prishtinës;
- Udhëheqësit të Personelit në Universitetin e Prishtinës dhe
- Arkivit të KPMSHCK-së.

